

Okrugli sto o povratku i obnovi

Okrugli sto pod nazivom "Povratak izbjeglih i raseljenih – obnova kao preduslov povratka" održan je u Mostaru 11. jula u organizaciji Udruženja građana za zaštitu ljudskih prava i pod pokroviteljstvom Vijeća Evrope i austrijske vlade.

Medju mnogim učesnicima, predstavnicima lokalne, međunarodne i nevladine zajednice, Nigel Moore, šef odjela za obnovu i povratak pri OHR-u Mostar i Murray McCullough, šef ureda Evropske komisije u Mostaru, govorili su o ulaganjima međunarodne zajednice u obnovu u Hercegovačko-neretvanskom kantonu od 1994. godine i vremena Administracije Evropske unije nad Mostarom do danas, kao i o planovima za obnovu u 2000. godini i dalje.

Od 1994. godine pa do danas, međunarodna zajednica uložila je oko 600 miliona njemackih maraka u obnovu u ovome području, od čega je svake godine oko 28 miliona uloženo u obnovu stambenih jedinica. Iako su ovi napori rezultirali pozitivnim promjenama u svim područjima života i intenzivirali povratak, međunarodna zajednica još uvijek je nezadovoljna sporom provedbom imovinskih zakona sirom zemlje kao i izostankom povratka u već obnovljenu imovinu.

Govoreći o planovima za obnovu za naredni period, ponovo je rečeno kako će međunarodna zajednica svakako nastaviti sa pružanjem pomoći i ulaganjima, ali je zabilježeno i smanjenje sredstava međunarodne zajednice. Ove godine, Evropska komisija osigurala je svotu novca u visini do 12 milijuna njemackih maraka za obnovu u HN kantonu, ali također se i nada se da će dodatna sredstva biti dobijena putem bilateralnih sporazuma. Stoga međunarodna zajednica očekuje veći angažman svih domaćih struktura u provedbi imovinskih zakona, kao i

njihovo dosljedno insistiranje na povratku u obnovljenu imovinu. Propust da to bude i učinjeno bice jasna ilustracija potpunog nepostovanja vladavine zakona i nepostovanja ljudskih prava.

Ucesnici su zakljucili da je neophodno animirati sve postojece strukture te ustanoviti saradnju na svim nivoima po pitanju povratka i obnove. Bilo bi pozeljno formirati savjetodavno tijelo sacinjeno od predstavnika raznih struktura koji bi ponudili realisticne preporuke medjunarodnoj zajednici o tome gdje usmjeriti svoja sredstva. Na kraju, provedba imovinskih zakona u iskljucivoj je nadleznosti lokalnih tijela vlasti, stoga medjunarodna zajednica ocekuje provedbu ovih zakona bez odlaganja.